



Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 109. Christophorus Bavariæ Dux, depulso Erico, Daniæ Rex nominatus.

[urn:nbn:de:hbz:466:1-66426](#)

Secul. XV. mum ætatis suæ annum expleverat, &
A.C. 1439. Carolesii Comes nonnisi septimum num-
rabat.

§. CIX.

*Christophorus Bavarus, depulso Eri-
rico, Daniæ Rex electus.*

Hoc itidem anno in locum Erici e regno
pulsi, Dani Christophorum Bavariae
Ducem Regis Nepotem ad sceptrum Da-
niæ, Sueciæ, ac Norvegiæ vocarunt,
quem primo solius Daniæ Regem salu-
tarunt, postea vero etiam post aliquas
moras, difficultatesque, ut eundem pa-
riter Regem suum nuncuparent, Sueciæ
persuaserunt: licet alioquin longe magis in
Carolum Finlandum, qui ex antiquis
Gothorum Regibus ortum ducebat, &
Regni gubernator ab ipsis constitutus
erat, propenderent. Itaque unus idem-
que obtinebat trium simul Regnum,
Daniæ, Sueciæ & Norvegiæ coronas, si-
cut olim constitutum a Margarita Regina
fuerat. Incurrit tamen Princeps hic po-
puli sui offendam, cum Regni præfecturas
plerumque nonnisi popularibus suis con-
crederet. Sueci etiam illum vitæ non-
nihil solutæ ac pravis cupiditatibus dedi-
tum suggillant, accusantque, quod impu-
ne permiserit, Ericum nuperum eorum
Regem e Gothlandia, ubi adhuc degebat,
latrociniis, & prædationibus Sueciæ
deva-

devastare. Regnavit tamen Florente Sæcul. XV. continuo pace usque ad annum Domini A.C. 1479. millesimum quadringentesimum quadragesimum octavum, ad cujus initium die sexta Januarii vitam suam clausit.

§. CX.

*Fridericus III in Imperatorem ele
ctus.*

Sub primis hujus anni auspiciis Germaniæ Principes ad Francofordiæ Comitia convenerunt, ut novum Cæsarem Albertum II nuper defuncto subrogarent. Igitur die vigesima sexta Februarii concordi omnium suffragio elegerunt Fridericum Austriæ Ducem, Ernesti Filium, & Alberti Imperatoris Patrualem. Juvenis erat viginti sex duntaxat annos natus, pacis tamen tuendæ adeo studiosus, ut merito *Pacifici* cognomen obtinuerit. Jam duos Cæsares ejusdem nominis, imperii Prædecessores sortitus erat, hinc nominis hujus tertius appellabatur, vel omnino quartus, si etiam Fridericum *Pulchrum* Ludovici Bavariæ æmulum numeraveris.

An. 1440.
Trith. in
Chro. Span-
heim.
Aug. Patri-
to. 13. Conc.
p. 1582.

§. CXI.

*Ladislaus Poloniæ Rex ab Hungaris
in Regem electus.*

Albertus e vivis decebens, duas tantum Filias,